

寶日生陀羅尼經

第七

湯百
七四

47812



元祿九年丙子二月日重脩

皇圖鞏固 帝階綴昌

佛日增輝 懋輪常轉

山城州天安寺法金剛院置



寶星陀羅尼經卷第七

唐天竺波羅頗密多羅譯

陀羅尼品之餘

尔時衆中有一大梵天王名曰妙音位居十住
摩訶薩地若於梵中諸梵中尊若於魔中諸
魔中尊若於釋中諸釋中尊乃至毗沙門毗

樓荼毗樓博义提頭賴吒大自在那羅延阿
脩羅等於諸天主天主中尊是時妙音梵王
變作第一女人之形色相圓滿威儀具足以
勝莊嚴而自莊嚴於釋迦如來前合掌而坐
以其兩手捧如意寶珠爲供養佛故瞻仰尊
顏目不異視諸根寂然不以諸相而觀如來



湯

湯

尔時世尊告妙音梵天汝今何故目不暫瞬
乃至無相觀於我耶善男子頗有一法名爲
佛耶頗有一物可爲名耶如貪瞋癡無明煩
惱有名物緣相相緣無明無明緣行乃至廣
說相滅無明滅行滅亦復如是妙音梵天言
誠如聖說何以故無明不可得世尊若無明
不可得者彼十二有支從何而起可從虛空
生耶虛空復不可得佛言如是如是善男子
一切法如虛空所以者何虛空無物無相非
闇非明不分別無分別無成無壞不可說無
一物無分齊斷一切物如是如是善男子佛
法真際斷佛法如如佛法不取此彼岸佛法

不減不增佛法非陰界入體無分齊若實若
物若相一切皆無佛法無動無住不妄置立
佛法一切言語道斷說此法時八万四千衆
生發阿耨多羅三藐三菩提心時有惡魔作
如是言若佛法如虛空非物不可說汝以何
等智慧精進劬勞方便惱亂於我破我境界

乃至奪我境界衆生復教衆生不來不去無
物幻術汝若如是教衆生者不復見彼煩惱
行起汝以何故爲我於此娑婆世界召集如
是無量無數諸佛世尊菩薩摩訶薩及大聲
聞梵釋護世摩醯首羅有大神通有大加護
乃至天龍夜叉乾闥婆阿脩羅迦樓羅緊那

羅摩睺羅伽等大衆普皆同來滿於一切諸
佛刹土令此無慈大梵說如是呪我等旣聞
並皆頭痛受大苦惱乃至令身上下爛臭亦
時復有六万八千諸魔王等及其魔衆無量
無邊極惡夜叉羅刹鳩槃荼毗舍遮等一切
同聲唱如是言我等徒黨即聞呪時增益頭
痛身皆爛臭受極重苦釋迦如來告彼魔言
憶我昔日菩提樹下坐道場時汝魔軍衆徧
在八十由旬及以虛空皆悉充滿欲來害我
乃至今日復將軍衆無量俱肱共來害我我
亦如是召集無量無數諸佛世尊菩薩摩訶
薩乃至人非人等普來集會爲欲令汝及餘

諸魔人非人等悉降伏故滅一切苦得大涅槃寂滅樂故亦爲教汝不來不去無所有性如幻法故一切趣一切滅一切起生死愛流悉枯竭故亦令汝等及一切邪見衆生入無餘涅槃境界而般涅槃故魔王汝等今者速發阿耨多羅三藐三菩提心汝此頭痛當得解脫漸漸修習性空佛法當得現前及得諸佛境界勝魔境界獲大利益尔時六万八千諸魔及其徒衆同聲唱言世尊我等今發阿耨多羅三藐三菩提心去何當得自性空等佛法現前乃至得佛勝妙境界希有利益時有惡魔作如是言縱復令我盡後邊身得重

頭痛我終不以如是諂幻發菩提心。尔時妙音大梵作如是言。我今亦於一切佛前。以此佛刹微妙教法。勇猛受持於此五濁世界。流布釋迦如來尊重之教。從今已往。乃至釋迦滅度之後。我當令此法化常得熾然。隨有國土。正信衆生。皆令不退。速出魔網。若此法門世間不流行者。我令流行。若已行處。令其信心倍復增廣。所有城邑聚落。善男子善女人等。我當擁護。慈心將養。遮其非義。示誨善義。隨處有此不退魔場。陀羅尼法門。乃至書持亦隨有。法師之處。昇師子座。欲開示演說此法門時。先當於彼至心誦此陀羅尼章句。召

喚於我并諸眷屬我當自往彼法師所爲作
擁護令聽法衆得大吉祥即於佛前而說呪曰
多地也他 阿婆弥阿婆弥 一菴婆離菴婆
離_二跋履軍闍那荼那荼_三補沙迦囉婆阿闍
漏佉_四摩佉耶_五伊梨弭梨_六枳梨弭梨_七圪
遮囉母陀離_七母陀囉母跋_八娑婆呵

世尊隨有法師說法之處要當先誦此呪章
句我以清淨天耳在彼上界聞其音聲而不
往彼作守護者我即欺誑過去未來現在一
切諸佛已亦莫令我得阿耨多羅三藐三菩
提然我決定往彼法師說法之所接足頂戴
亦與法師樂說辯才又令法師及聽法衆一

切病苦惡見惡作邪疑之心悉令斷滅世尊
隨所方面說此法門有能受持溫誦之者我
及眷屬當往彼所若有一切鬪諍饑饉病患
憂惱內外怨敵亢旱水澇寒熱失序風雨不
時惡見惡作者當令消滅人及非人畜生等
畏及彼一切不吉祥寢惡相惡人無有潤澤

苦澀惡味辛臭惡觸如是諸患悉當斷除乃
至師子惡獸毒龍野牛豺狼盜賊奸詐人非
人等無量諸畏悉皆斷滅爲使衆生得樂具
故而令種種穀藥華菓上味飲食衣服舍宅
氈褥卧具果報成就悉皆充滿隨有流通此
法門處不利益事我當遮之利益之事當令

成就若彼衆生信樂正法行善行者我當誨
示令福增長我今於此一切佛前立大誓願
惟願諸佛同憐愍我令我所作佛事大願成
就願成就故意所依處皆令滿足願滿足故
即我丈夫所作成就亦時釋迦如來爲首與
一切諸佛同共憐愍攝受妙音大梵故作如
是言善男子我等當以陀羅尼呪與汝受持
所以者何若一切釋梵護世四天王及諸餘
天龍夜叉阿脩羅等於佛聖教起不淨心者
以呪力故皆當攝伏妙音大梵作如是建立
大丈夫所作事時十方諸佛同唱是言當願
妙音大梵願力成就即說呪曰

多地也他者問池一問荼跋履侈提二呵
茂摩三呵茂摩四娑囉義五娑羅九娑六弭
佉跋履婆呵七遮囉麼八也他者鍍比佉九
阿茂羅跋履侈提十薩婆部馱地史恥坛十一
娑婆呵

尔時釋迦牟尼世尊說是呪已作如是言善
男子此陀羅尼能令一切魔及釋梵護世諸
餘天龍夜叉阿脩羅有大光澤攝受一切人
非人等皆令迴向諸佛功德汝今若能受持
如是陀羅尼者即是能作大丈夫所作事也
妙音大梵言娑伽婆我今以是女人形相當
吾護持一切女人當善成熟一切女人娑伽

婆若有女人馱惡女身求丈夫相應當受持
讀誦書寫供養此經我當往彼女人之所滿
其所願若有女人馱患男女亦當受持讀誦
書寫供養此呪如是女人持呪力故雖未離
欲更不受胎復有女人爲他輕賤被人欺陵
失諸樂受亦應讀誦此陀羅尼以陀羅尼威
神力故一切願滿諸樂成就今時大梵爲供
養故爲護持此陀羅尼神力法門故爲滿一
切衆生願故即以兩手捧摩尼寶珠奉施十
方一切諸佛今時諸佛同發聲言如是如是
善男子願汝常能護持佛教滿衆生願
寶星陀羅尼經攝受妙法品第七

尔時會中有菩薩摩訶薩名妙慧通達在勝
珠焰如來前坐去釋迦如來不遠於牟忽多
頃現作梵形於刹那頃現作魔形乃至現釋
天形他化自在天形又復現作諸天主形化
樂兜率夜摩天形四天王天大自在形或現
夜叉阿脩羅迦樓羅緊那羅摩睺羅伽羅刹
餓鬼毗舍遮鳩槃荼刹利婆羅門毗舍首陁
等形或現師子烏馬水牛等形乃至示現種
種畜生之形於刹那頃或現鳥樹山果衣服
卧具種種醫藥寶莊嚴器牟忽多頃示現比
丘比丘尼像一刹那頃示現佛像或現八万
四千種種色相乃至方圓麴色淨妙形貌尔

時長老富樓那彌多羅尼子即起合掌問釋迦牟尼如來言世尊何因何緣而此菩薩有如是八万四千淨妙之相方圓處色種種類身佛告富樓那此菩薩有大功德攝受力量界一切聲聞辟支佛所不能及妙慧通達菩薩摩訶薩隨彼住受力量境界成就衆生一切

聲聞辟支佛非其地隨是衆生徧滿十方無量無數若淨不淨諸佛刹土常以無障礙慧眼如所願如所意如是衰惱所纏如所歸依此菩薩入如是三昧以是色貌威儀隨處方圓種種色相具足乃至佛形如所化度衆生皆安置三乘住不退地若衆生爲貪不自在

種種愛求爲斷彼貪故與其所須然後置於
不退之地若病患須醫藥者即與其藥然後
立於不退地也富樓那此妙慧通達菩薩於
一日中能度如恒河沙數衆生解脫諸苦置
於三乘不退之地富樓那白佛言世尊此善
男子成就衆生故爲丈夫事其來久如佛言
阿僧祇佛刹微塵數劫此善男子發阿耨多
羅三藐三菩提心更尙所時得三昧力加護
建丈夫事已來復更經六十四阿僧祇劫富
樓那言妙慧菩薩從此久如於何佛刹當得
阿耨多羅三藐三菩提佛言更二十六百千
大劫過彼已後有大劫名能度世界名摩尼

華鬘其國衆生皆壽四十千歲妙慧菩薩於
五逆不善法惡衆生中當成阿耨多羅三藐
三菩提其佛号曰開敷無邊光如來阿羅呵
三藐三佛隨佛於四十千年中恒作佛事以
三乘法成熟衆生乃至今其得般涅槃於是
已後無邊光佛以無餘涅槃而般涅槃富樓
那言世尊此菩薩先所成熟彼諸衆生當生
何處佛言此菩薩先作如是不自攝受願十
方世界於一一方微塵數等無間佛刹彼刹
土中所有諸佛今我得見我若不見彼等諸
佛不取阿耨多羅三藐三菩提我先所行菩
薩道時勸發衆生最初發阿耨多羅三藐三

菩提心示教建立於六波羅蜜已成孰者徧於
十方諸佛刹土已得阿耨多羅三藐三菩提
者亦令我見以如是三摩提莊嚴力加護故
於十方無間一一佛刹微塵等諸刹土中能
爲如是大丈夫事及彼諸佛刹中作五逆罪
不可治衆生乃至具足不善法衆生於彼命
終乘我願力皆生我國我爲菩薩今是衆生
種諸善根置不退地然後我身當取正覺妙
慧菩薩有是大願尔時十方諸佛刹土俱來
菩薩同作是言我等今者普來雲集至此佛
刹得見大師有如是相及見大悲具足諸菩
薩等及聞答所未聞過去未來現在諸佛金

剛法等因緣法心能建立摧碎陀羅尼印句
差別門記法式擁護今我得聞

寶星陀羅尼經授記品第八

尔時阿闍如來普告一切大眾作如是言我
等勸汝諸善男子梵釋四王天龍夜叉阿脩
羅迦樓羅緊那羅摩睺羅伽人非人等諸有
於佛教得清淨信來此集會者得見一切諸
佛世尊及諸菩薩摩訶薩釋梵天王人非人
等普來雲集如是大相甚為難得汝等今見
此處集會皆應於如來前各各自願汝今於
此佛刹若現在世及未來世必能護持如是
妙法今三寶種常得熾然尔時有魔名曰息

華以七寶器盛種種華菓及諸穀萌芽自變
其形爲女人像具足微妙第一端正色相圓
滿無與等者第一衣服嚴飾其身持寶器華
以供養佛作如是言一切諸佛世尊一心念
我若此世界及餘世界所有諸佛已集會者
如是一切諸佛世尊我今以一切華菓諸穀
萌芽滿於寶器奉獻諸佛惟願慈悲普皆攝
受與我成就滿菩提願若我盡此賢劫於一
切佛刹以女人形慧施衆生飲食華菓乃至
成熟衆生以是福報令我六波羅蜜具足圓
滿得成阿耨多羅三藐三菩提及我所化衆
生皆悉供給無所乏少是時一切諸佛同作

是言善哉善哉善男子汝能以清淨心建立
大施及供養一切諸佛世尊我已受汝所施
令汝如所求如所為求乃至今所時求滿汝
意願功德成就神通成就時息華魔復作是
言所有城邑村落有能受持開示此經典者
書寫經卷及供養者我當於彼國邑聚落乃
至邊壇有人住處叢林華菓五穀秀實皆令
成就彼一切處所有衆生乃至禽獸食華菓
者皆令充足世尊若有一人於其方所應食
菓實竟不得食而命終者我今即為欺誑一
切三世諸佛及此大會諸聖衆等亦莫令我
得阿耨多羅三藐三菩提惟除業盡及命盡

者所有華菓美味之屬皆令衆生普得受用
以此因故令我具足檀波羅蜜若諸衆生食
菓實者是等衆生當起悲心乎相利益以此
因故令我具足尸波羅蜜若諸衆生受用華
菓是等衆生起柔耍心以此因故令我具足
羸提波羅蜜若諸衆生受用華菓當令堅固
精進之心以此因故令我具足毗梨耶波羅
蜜若諸衆生受我華菓心心數法起無常想
以此因故令我具足禪波羅蜜若諸衆生乃
至禽獸食華菓者皆令樂法得住性空以此
因故令我具足般若波羅蜜復次隨所有處
行此法門彼諸衆生所有種種稻禾麥豆雜

類菓實我以是故心甚勤勞爲彼衆生多獲
種子亦令一切倉窖盈滿若彼衆生乃至禽
獸食華菓者以此因故令我具足般若波羅
蜜若一一方流通開示此法門處隨彼所有
甘蔗蒲萄石榴等菓一切汁味無不香美倍
勝於常衆生所有瓶甌壺器皆令盈滿若諸
衆生受用食時悉得增長智慧色力以此因
故令我具足般若波羅蜜卅尊我得如是六
波羅蜜淨因滿足令我得阿耨多羅三藐三
菩提一切諸佛及一切菩薩摩訶薩衆當隨
喜我能作如是菩薩行相時大衆中一切諸
佛默然許可尔時有佛名曰智星作如是言

善男子汝當普請一切衆生爲大施主以如是相如是力如是精進勇猛如是劬勞不息汝善男子能作如是相力精進者即是菩薩丈夫所作時息華魔於智星佛前聞如是安慰已即白佛言惟願世尊一心護念與我善業成就滿足在在處處若此法門不流行處我與眷屬不入其境若是法門流行之處我與眷屬恒住於彼令其土地穀藥華菓倍復滋茂色香美味悉皆具足衆生受用隨時飽滿倉廩地窖悉皆盈積乃至畜生所食之物亦令豐壤以此善根令我具足般若波羅蜜世尊我盡千劫於此佛刹令諸衆生如是相

如是力如是受用飲食當令充足世尊如是
無量無數恒河沙等五濁世界一一刹土誓
於千劫大作佛事然後我身當得阿耨多羅
三藐三菩提世尊我今以此神呪章句願自
呼攝即說呪曰
多地也他遮弥佉一遮弥佉二遮弥佉三毗

毗履多呵娑帝四娑呵娑呵娑呵五娑麼囉
阿娑磨劔六娑囉知七毗波娑娑娑娑八娑羅娑
練施離九娑囉摩顯施離十娑囉娑闍練施
離十一珊怛破夜娑摩劔十二朽朽朽朽十三阿
僧伽社脾十四哆佉哆佉十五波由娑義十六優
波娜也十七珊怛破夜十八鼻闍頗羅補所報所

提九 陀那馱泥移那十二 氈陀囉差多二十 社

聞婆呵泥二十 娑麼囉婆磨劍二十三 藐波

囉底鉢那婆焰四 娑唎迦履野麼弥五 麼

弭麼弭麼泯闍婆囉六 娑婆呵

時息華魔說是呪已白佛言世尊所在之處

有能開示此經法門及陀羅尼章句我徃彼

處為欲自成熟故為菩提行滿足故尔時一

切諸佛同共讚言善哉善哉在會大眾菩薩

摩訶薩及一切梵釋天王護世四王天龍夜

叉軋闍婆阿修羅迦樓羅緊那羅摩睺羅伽

鳩槃荼毗舍遮人非人等從一切佛刹中來

者皆共同聲唱如是言善哉善哉善哉善男子汝

能以此女形修行六波羅蜜成熟衆生以我
等福德精進劬勞力故惟願令汝所作佛事
當得成就釋迦如來作如是言誰有憐愍此
善男子能佐助者尔時息華魔眷屬同聲唱
言世尊我等眷屬隨順佐助若汝善男子得
阿耨多羅三藐三菩提時當與我等授菩提
記息華魔言如是善男子魔眷屬言所有衆
生下種於地收諸菓實而受食者以此善根
當令我等得大安樂得大利益息華魔復白
釋迦如來言我是護持世尊教法者我是熾
然世尊正法者我於此中初作滅飢饉者惟
願世尊與我授阿耨多羅三藐三菩提時息

華魔五輪著地頭面禮拜釋迦如來足已却
任一面介時世尊即為息華而說偈言

汝起勇猛善逝子

無垢清淨蓮華面

今日能發堅牢願

當得第一大菩提

此諸眾生飢火逼

我為至親能救護

解脫一切眾生成者

起大悲心當作佛

以空無相無願力

解脫六趣苦眾生

恒以虛空清淨法

令諸眾生得無垢

不久於此佛刹土

當證覺法名勝慧

於未來世得作佛

勇猛善智降勝怨

時息華魔聞是偈已便生清淨第一歡喜即

以天華散於佛上介時復有菩薩摩訶薩名

成就智即起于座向彼十方諸來世尊先以
聲覺作如是言惟願世尊一心念我所以者
何憶我往昔初入賢劫曾於拘留孫佛所發
大誓願普欲成就一切衆生示受女形爲令
衆生四百四病得消滅故復取大地精味散
布種種諸草木根和合四百四味隨藥功能
衆生受用病皆消滅示以根藥四百四種示
以菓藥四百四種示蘇煎藥四百四種示油
煎藥四百四種示以寫藥四百四種示以諸
治阿伽陀藥乃至湯散丸等揔治身分內外
衆藥凡有一千四百種類我爲成熟諸衆生
故爲欲消滅諸病苦故亦爲利益諸衆生故

如是衆藥並皆示之。世尊我爲拘留孫佛及
彼衆會常作種種駢使給侍。本心希望得授
記。劫是時拘留孫佛便告我言：善男子，未來
之世人壽百歲。尔時有佛出現於世，名釋迦
牟尼如來。阿羅呵，三藐三佛隨釋迦如來以
本願故，大集諸佛及菩薩衆。汝當於彼得授
阿耨多羅三藐三菩提記。從是已來，拘那含
如來亦如是說。迦葉如來亦如是說。我自咎
來久發此願，乃至恒河沙等大劫於此佛刹
作大藥，天爲除衆生一切病。故我於彼時以
以大地淳濃精味布散種種諸藥根枝華葉
菓實，令諸衆生普得受用及滅內外諸病苦。

故所有衆生若正和合受用之時令起無常
苦空無我分別心及心數法轉以此善根令
我具足般若波羅蜜如是我於此佛刹土作
大丈夫所作之事如是如是十方恒河沙等
諸世界中以女人形於一一世界如恒河沙
劫以如是相如是力如是勇猛精進如是劬
勞乃至給侍如是如是病苦衆生令成熟故
然後我身當得阿耨多羅三藐三菩提及我
今日復於佛前增進本願與此息華作大功
德其心堅固常爲佐助無有劬勞我等二人
共爲女形同一色貌爲欲成熟諸衆生故乃
至倍加成熟諸女人故令我二人取地精氣

和合飲食令諸香味悉皆具足老病衆生食
此味者一切病患皆得消滅以此勝因令我
具足般若波羅蜜若我得阿耨多羅三藐三
菩提者願佛世尊攝受我等爲稱善哉若佛
世尊同與我等菩提記者願爲我等稱讚善
哉今時世尊稱讚成就智菩薩言善哉善哉
善男子汝能如是作大利益丈夫即爲成就
智菩薩而說偈言

汝爲世間病者醫

能持諸根得安樂

蓮華清淨最上刹

得佛号毗盧遮那

持地菩薩摩訶薩亦作是願以女人形化度
衆生如地持物希念授記釋迦如來爲說偈言

汝如大地持一切

今當速得所希介

刹名勝攝功德滿

作佛名曰智自在

智上菩薩願受女形化度一切作如是念希

得授記釋迦如來為說偈言

汝智充足諸衆生

及以華菓方便攝

未曾聞刹上清淨

得佛名為上勝因

示現灰菩薩作女人形受用火事成熟衆生

願得授記釋迦如來為說偈言

示諸世間無常想

成熟衆生於菩提

刹名生塵最吉祥

於彼作佛名燈火

動衆生離塵菩薩願作女形為成熟衆生故

受用風事希念授記釋迦如來為說偈言

搖動衆生令歡喜

能令煩惱究竟滅

刹名清淨現平等

當得作佛号月光

無障礙燈菩薩願作女形爲成熟衆生故受

用虛空事亦希授記釋迦如來爲說偈言

得無依智清淨者

能說無上正覺道

刹名調障無染著

當得作佛号智上

妙香說菩薩願作女形爲成熟故受用華事

爲菩提故希望授記釋迦如來爲說偈言

現作香華普供養

開示諸佛無上道

蓮華藏刹清淨土

得佛号普香如來

袈裟色菩薩願作女形爲成就衆生故受用

種種染色願得授記釋迦如來爲說偈言

以袈裟衣利衆生
青光刹中最無上

相應供養三寶種
當得作佛号寶光

尔時無量諸種子天林天菓天乃至六十七
俱脤那由他百千菩薩摩訶薩爲欲成熟諸
衆生故倍爲度脫諸女人故作女人形發願
同得阿耨多羅三藐三菩提記釋迦如來各
說一偈各得記蒞何以故轉男爲女其事則
易轉女作男其事則難是時百俱脤諸大龍
王及諸小龍同作是願希望授記釋迦如來
各說一偈授菩提記復有六万四千頻婆及
八十俱脤阿脩羅七十阿闍毗俱脤那由他
百千諸天及諸天女九十九頻婆俱脤百千

諸魔及其眷屬乃至恒河沙等人非人衆及
刹利婆羅門毗舍首陀男子女人童男童女
亦皆同心希望阿耨多羅三藐三菩提記如
是等類一一各得一偈授記過於數量天龍
夜叉乾闥婆阿脩羅迦樓羅緊那羅摩睺羅
伽薜荔多毗舍遮人非人等未發心者今於
佛前同發阿耨多羅三藐三菩提心過於數
量衆生住阿毗跋致地過於數量衆生得菩
薩種種三昧忍陀羅尼過於數量衆生漏盡
離欲得阿羅漢果亦過數量衆生迴聲聞辟
支佛心住佛阿毗跋致地如是等一切同聲
而作是言我等依一切諸佛教故授此法門

若有受持讀誦書寫此法門者我及眷屬當
共如法供給供養

寶星陀羅尼經卷第七

湯

瞬

詩閏反目動

枳

居只反

亢旱

浪上反口

水滂

下郎到

水災也亦作潦豺狼

柴郎二音野狗也

鍍

鍍速侯反

邊墻

下音薑倉窖

下音野古孝反掘

蒲萄

犯反

瓮甕

二劬勞

上音勤倉廩

下力豐壤

下

汝養反

珊蘇干泯

反免忍

倉廩

下力豐壤

下

肥土也

